



Ngoenz singhgizroek he, gou caeuq geij boux doengzdoh bae ndaw bya guhcaemz.

Dou youq ndaw ndoengfaex buet, bouxboux cungj angq dwk rihaha. Sawqmwh, henz rwz cienz daeuj sing ung ung ung, dou ngienx gyauej yawj, gyoengqdoq he cingq youq gwnz gyauej gvaengxvax, hwk dwk dou ganjvanq haep aenbak, mbouj gamj diemheiq, di ndeu cungj mbouj gamj

Dingjlingz Bungqraen Rongzdoq

偶遇马蜂窝

doengh. Gou yawjraen gwnz gofaex liz gou mbouj gyaе haenx, venj miz aen rongzdoq lumj aen haijvanj hung he, wnggai dwg aen rongz gyoengq doq mbin haenx. Dou menhmenh maeuq roengzdaeu, caj duzdoq dauq ndaw rongz. Yaep he, gyoengqdoq faenfaen haeuj rongz lo. Mwh dou ndwn hwnj yaek byaij, sawqmwh ndaw rongz youh mbin okdaeuq geij duz doq, hwk dwk dou youh maeuq roengz. Gou siengj, danghnaeuz mbouj miz vunz haeujsim, deng ndat baenzlawz guh ha? Yienghneix, gou caeuq gyoengqdoih gietdingh gyongz aen rongzdoq bae.

Gou gag naeuz gou daeuj gyongz

aen rongzdoq. Gij doengzdoh wng miz mbanj ra buhfwon hawj gou daenj, miz mbanj ndenq hawj gou diuz faex raez he, miz mbanj aeu buh bau aen-gyauej caeuq aennaj gou, cij loh ok aenda caeuq conghndaeng. Cang ndei le, gyoengqdoih ndoj daengz giz gyaе bae. Gou yaengx diuzfaex bae gyongz rongzdoq, mbat he, song mbat, rongzdoq lij caengz doek roengzdaeu, duzdoq ung sing he cungj mbin okdaeuq lo, beij haxbaenh lij lai. Gou ganjgip boemz youq gwnz dieg. Duzdoq mbin geij gien le, mbouj raen miz gijmaz saeh, youh mbin haeuj rongz bae lo. Hoeng gou caeuq

gyoengqdoih deng hwk dwk lau lo, ganjgip sousib doxgaiq buet ok ndoeng daeuj. Youq gwnz loh ma ranz, dou bungqraen boux boh' au he, couh caeuq de gangj gienh saeh rongzdoq neix. Boh' au naeuz: "Ndaw rongzdoq lij miz haujlai lwgdoq, caj lwgdoq majhung le, gyoengqde couh mbin bae lo, aenrongz louz roengzdaeu lij ndaej hawj vunz yw bingh bw. Gyongz rongzdoq dwg gienh saeh yungyiemj he, danghnaeuz deng duzdoq ndat, couh camj lo."

Dingq boh' au yienghneix gangj, dou mbouj gamj caiq gyongz rongzdoq lo. (sam nienzgaep Vangz Yajgez)



Miz ngoenz ndeu, gou caeuq daxdaiq bae baijdan gai makbingzgoj.

Gai haujlai nanz lo, seng' eiq cungj mbouj ndei. Daxdaiq miz di nyapnyuk lo, couh doiq gou naeuz: "Gou siengj bae dan bouxwnq yawjyawj, mwngz gag gai ndaej lwi?" "Ndae, dangyienz ndae!" Daxdaiq lumjbaenz mbouj cuengqsim, youh naeuz: "Deng lo, aencaengh denswj" "Ndei lo, gou rox yungh, mwngz vaiq di bae ba." Daxdaiq caengz gangj sat, gou couh ciengj gangj. Daxdaiq byaij bae le, gou gag caeg riu, ndaej guh boux lauxbanj iq caencingq lo!

Gvaq yaep ndeu, vunz ciemh-

Gou Dang Lauxbanj Iq

我当小老板

ciemh lai lo. Gou raen daxheiz he daiq dah niq he byaij gvaqdaeu, couh gipmuengz naeuz: "Daxheiz, cawx di makbingzgoj ba." Daxheiz raen gou dwg boux lwnyez he, haenh gou naeuz: "Baenzneix iq couh okdaeuq guhhong ha, caen roxsoq!" Gou dingq le ndawsim gag angq. Daxheiz genj daeh makbingzgoj he, hoeng gou mbouj rox yungh aen caenghdenswj, gip dwk gaeu gyauej nyauj rwz. Ai, cij gvaig gou haxbaenh caeuq daxdaiq gangjboq, mbouj hag caengh. Caeklaiq daxheiz rox yungh, couh son gou.

"Gai makbingzgoj lo! Makbingzgoj youh byoiq youh van!" Gou laebdaeb hemq dwk. Seizde, gvaqdaeuq boh' au he. "Gij makbingzgoj neix gaen geijlai cienz?" "Gaen song maenz haj." Gou han naeuz. "Baenzlawz baenzneix bengz ha? Dan baihaenx cij song maenz."

Gou naeuz: "Gij makbingzgoj gou caeuq boux haenx mbouj doxdoengz, gij mak gou dwg hungzfusw, van lai bw, gou hawj mwngz cimz gep he." Gou aeu fagmid cab gep he hawj boh' au cimz. Boh' au cimz le naeuz: "W, van dahraix." Gangj sat, de couh cawx daeh hung makbingzgoj he. Haujlai vunz raen boh' au cawx baenz lai, hix gvaqdaeuq cawx. Baenz gaiq baenz gaiq fwngz ndenq cienz hawj gou, gou cungj nyaengq mbouj gvaqdaeuq lo. Cingqngamj, daxdaiq dauqma lo, de raen gou gai ndaej baenz lai, haenh gou dwg boux rox guh seng' eiq he.

Dang lauxbanj caen mbouj heih ha! Ngoenz he roengzdaeu, yienznaeuz haemq baeg, hoeng gou bang daxdaiq canh le mbouj noix cienz, yawjdaeuq cij aeu mwngz bae guh, couh miz souhaeu!

(roek nienzgaep Vangz Cinveih)



Dajcim Mbouj Hwk Vunz

打针不吓人

Miz ngoenz ndeu, hagdangz dou cujiz daj cimyawhfuengz. Gou gig gaenjieng, aenvih gou cei q lau daj cimyawhfuengz lo.

Gou baiz boux daihngaih. Daxheiz husw gig sug dwk dajcim, sim gou cix diuqbubbub. Gou saedcaih souh mbouj ndaej lo, couh caeuq boux doengzhag baihaeng doxvuenh.

Lij Mingz daj sat le, gou cam de: "In lwi?" De riu dwk naeuz: "Di ndeu hix mbouj in!"

Lwnz daengz gou lo, daxheiz husw raen go gaenjieng, couh gangriu naeuz: "Mwngz deng duznyungz haeb gvaq lwi?" "Dangyienz haeb gvaq lo." Gou naeuz. Daxheiz husw naeuz: "Dajcim lumj duznyungz haeb in doxdoengz hane."

Gou vid genbuh hwnj, daxheiz husw aeu ciemfaig youq gwnz gen gou daz yw liengzsis, sim gou diuq engq vaiq lo, gou baenq aen' gyauej gvaq mbiengj he bae. Gou lau gou hemq ok sing cak deuz, sawqmwh, daxheiz husw soeng fwngz de lo, gou cij rox cim daj sat lo. Mbouj in ha! Baezlaeng gou caiq hix mbouj lau dajcim lo!

(ngeih nienzgaep Cwnz Danhyangz)

Baez Ginglig Yungyiemj He

一次危险的经历

Ngeih nienzgaep sujgyaj, daxmeh daiq gou bae henzhaij youz.

Ngoenzhaenx dienheiq gig hwngq, yawjraen haujlai vunz youq ndaw haij youzraemx, gou sim doenghyubyub, caen siengj diuq roengz ndaw haij bae youzraemx guhcaemz. Hoeng gou cij ndaej youq gwnz sadan gip gyapbangx, loengh namhsa, aenvih daxmeh mbouj rox youzraemx, de lau gou miz yungyiemj. Mboujgvaq, daxmeh dingj mbouj ndaej gou ngaeq de, doeklaeng doengzeiq gou youq bien raemx guhcaemz.

Gou raek aen gienyouzraemx he, angqvauvau caij gij langhraemx, riengzdwk langhraemx yaep he bongj hwnj gwnz sadan, yaep he youh doiq dauq ndaw haij, gou

guhcaemz dwk angqvauvau, mbouj rox seizlawz, gou gyaep langhraemx daengz ndaw haij giz laeg bae. seizde, daxmeh daezsingj gou byaij dauqma, gou lij caengz ganj ndaej gib ndwn hwnjdaeu, sawqmwh miz baiz langhraemx he dongj coh baihaeng gou, gou sikhaek deng dongj laemx lo. Langhraemx sawqmwh doiq dauq ndaw haij, gou daengxndang cungj deng raemxhaij dumh lo. Gou lij dingqny i daxmeh hemq gou, hoeng ndaw bak deng raemx haeuj bak bae, han cungj han mbouj ndaej. Gou siengj youz coh henz hamq, hoeng lumj miz cungj rengz hung he sup dwk gou rag coh ndaw haij. Cingq youq mwh gou ciedmuengh, gaiq fwngz hung he rag dawz gou.....



Mwh gou singj gvaqdaeu, gaeng youq ndaw rungj daxmeh lo. Yawj gij yiengh daxmeh lau dwk naj cungj bieq haenx, gou daej lo. Daxmeh naeuz dwg boux boh' au he gouq gou, danghnaeuz mbouj dwg boux boh' au haenx, gou couh mbouj miz mingh lo, daxmeh hix ienqhoij daengx ciuhvunz lo. Gou got aenhoz daxmeh daej dwk naeuz: "Daxmeh, doiq mbouj hwnj, gou loek lo....."

Baez haenx caen dwg yiemj dai yiemj lix ha, gou cengdi aenvih dam guhcaemz vutmingh lo!

(seiq nienzgaep Cauz Yezyenz)